

2 TIMOTEO

Pablo Timoteore òǎdoredea

¹ Y_H Pablo m_{ur}ē òǎdoredea. Marĩp_H gǎǎmederosũta Jesucristo y_{ur}e beyepídi ǎǎrĩmĩ. Marĩp_H: “Jesucristo b_{ur}emurǎ y_H merǎ òǎrō ǎǎrĩrǎkuma”, ǎrĩdeare y_{ur}e masakare buedoreg_H beyepídi ǎǎrĩmĩ. ² M_H diayeta y_H magũ irirosũ ǎǎrĩgũ ǎǎrǎ. Irasirig_H m_{ur}ē ire gojáa. Marĩp_H ǎǎrĩnĩgũ, marĩ Op_H Jesucristo m_{ur}ē iritamu, bopoñarĩ merǎ iǎ, siuñajārĩ merǎ ǎǎrĩrik_umakũ iriburo.

Pablo Timoteore: “Masakare Cristoyare wereka!” ǎrĩ gojadea

³ Y_H Marĩp_{ur}e sērērik_u, m_{ur}ē gũñáa. Ɔmarik_u, ñamirik_u ĩgũrē: “Òǎa”, ǎrĩ, Ɔsuyari sĩ, m_uya ǎǎrĩburire sērēbosanĩkōǎa. Y_H ñekũsǎmarǎ ĩgũrē b_{ur}emuderosũta: “Y_H, ĩgũ iũrō waja opabi ǎǎrǎ”, ǎrĩ masĩrĩ merǎ y_{ur}de ĩgũrē b_{ur}emua. ⁴ Y_H, m_H p_{ur}ogue ǎǎrǎdi waamakũ m_H oredeare gũñanísĩǎ, m_{ur}ē iǎduakoa doja, m_H merǎ b_{ur}o Ɔsuyaduag_H. ⁵ M_H Jesúre diayeta b_{ur}emurĩrē gũñáa. M_H ĩgũrē b_{ur}emuburi dupuyuro m_H ñekō Loida, m_{ur}po Eunicede Jesúre b_{ur}emup_{ur}orima. Daporare y_H òǎrō masĩa. ĩgũsǎ ĩgũrē b_{ur}emurĩ oparosũta m_{ur}de opáa.

⁶ Irasirig_H ire m_{ur}ē gũñamakũ iriduáa. Iro dupuyuro yaa mojōrĩ merǎ m_{ur}ē y_H ñapeomakũ, Marĩp_H ĩgũ turarire m_{ur}ē sĩmi, ĩgũyare irimasĩburo, ǎrĩgũ. Daporare ĩgũ m_{ur}ē iridorederosũta ĩgũ turari merǎ ĩgũyare iriwǎgǎnĩka! ⁷ Marĩp_H marĩrē

Ōāgũ deyomarĩgũrẽ sĩmi. Ōāgũ deyomarĩgũ marĩrẽ gũimakũ irigu meta āārĩmi. Marĩpũyare ĩgũ turari merā irirā, masakare maĩrā, pēmasĩrĩ merā irirā āārĩmakũ irigu āārĩmi. ⁸ Irasirigu marĩ Opũyare gajerārẽ weregu, gũyasĩrĩbirikōāka! ĩgũyare gajerārẽ yũ weredea waja peresugue āārĩmakũ, yũre gũyasĩrĩsābirikōāka! Mũ Marĩpũ masakare tauri kerere wereri waja yũ irirosũ ñerō tarigu: “Ōārokoa”, ārĩ gũñaka! Marĩpũ mūrẽ turaro sĩrōpā irasirika! ⁹ Marĩpũ marĩrẽ perebiri peamegue waabonerārẽ taudi āārĩmĩ. Ōārā ĩgũyarā āārĩburo, ārĩgũ, marĩrẽ siiudi āārĩmĩ. “Ōārĩrẽ yāma, irasirigu ĩgũsārẽ siiubũ”, ārĩ gũñagũ meta siiudi āārĩmĩ. ĩgũ marĩrẽ Jesucristoyarārẽ maĩgũ i mũmũ iriburi dupuyuro: “ĩgũsārẽ taugura”, ārĩ gũña, marĩrẽ beyedi āārĩmĩ. ¹⁰ Irasirigu Jesucristore marĩrẽ taugure iriugu, ĩgũ marĩrẽ diayeta maĩrĩrẽ masĩmakũ iridi āārĩmĩ. Jesucristo marĩrẽ ĩgũrẽ bũremurārẽ perebiri peamegue waamurā āārĩmakũ neō iribiridi āārĩmĩ. ĩgũ marĩrẽ tauri kerere weredeare bũremurĩ merā marĩrẽ Marĩpũ pũro ĩgũ merā āārĩnĩburire masĩmakũ iridi āārĩmĩ.

¹¹ Marĩpũ yũre iri kerere weredoregu beyedi āārĩmĩ judío masaka āārĩmerārẽ Jesucristoyare buedoregu. ¹² Irire bueri waja yũ bũro ñerō taria. Ñerō tarikeregu, Jesũre yũ gũñaturari merā bũremugũrẽ masĩa. Irasirigu peresugue āārĩkeregu, gũyasĩrĩrō marĩrō āārĩkōāa. Jesũta turagu, yũre ĩgũyare buedoregu pĩdi, yũre ōārō koregu āārĩmĩ. Irasirigu dupaturi aarigũ, ĩgũ yũre buedoredea merā: “Āsũ irigũra”, ārĩdeare

iriyuwarikugukumi. Irire masĩa.

¹³ Y_u m_urē diayema buedeare: “Ăsū iriro gāāmea y_ure”, ārī, Jesúre b_uremurī merā, gajerārē maīrī merā iriníkōāka! Marī Jesúyarā āārīsīā, irasiri-masĩa. ¹⁴ Ōāgū deyomarīgū marīgure āārīgú irita-murī merā Marīp_u m_urē ĩgūya kerere weredore-deare gorawayuro marīrō wereka!

¹⁵ M_u masĩsiāa. Y_u peresugue āārīmakū ĩārā, āārīpererā Asia nikū marā Jesúre b_uremurā y_ure béowāgāperekōāma. Ĩgūsā watope āārīnerāde Figelo, Hermógenesāde béowāgākōāma.

¹⁶ Onesíforo gap_u irasiribirimi. Marī Op_u ĩgūya wii marārē bopoñarī merā ĩāburo. Wári Onesíforo y_ure gūñaturamakū irimi. Y_u peresugue āārīmakū ĩāgū, y_ure g_uyasĩrīsābirimi. ¹⁷ Irasirig_u Romague ejagu, y_ure āmaníkōādi āārīmí. Y_ure bokagugue āmuduúmi. ¹⁸ Marī Op_u dupaturi aarigú, ĩgūrē bopoñarī merā ĩāburo. Efesoguedere ĩgū marīrē iritamudeare m_u ōārō masĩsiāa.

2

Pablo Timoteore ōārō iridorerimarē gojadea

¹ M_u, Jesucristoyag_u diayeta y_u magū irirosū āārīgú āārā. Irasirig_u Jesucristo iritamurī merā ĩgūrē gūñaturari merā b_uremuníkōāka! ² Y_u wārā masaka péurogue buemakū m_u pédeare Jesucristo-yare gūñaturarārē bueturiaka! Irasirirā irire gajerārē keoro buemasĩrākuma.

³ Surara ñerō tarikereg_u gūñaturakumi. Ĩgū irirosū m_u Jesucristoyag_u gajerā ĩgūyarā merā ñerō tarikereg_u gūñaturaka! ⁴ Surara ĩgū op_u gāāmerōsū doreri direta irikumi. Surara āārībi

moārōsũ iribirikumi. Irasirigu mu ĩgũ irirosũ marĩ Opũ doreri direta irika! ⁵ I irirosũ ũma birarimasũde gajerã nemorõ ũmakeregu, oparã dorerire keoro iribi, ĩgũsã ĩgũrẽ sĩboadeare wajatabirikumi. Irasirigu marĩ Opũ dorerire õārõ irika, ĩgũ õārĩ sĩburire wajatabu! ⁶ Pooere õārõ moāgũ ĩgũ moādea waja iri pooema oteri dukare opapũrorikumi. Irasirigu ĩgũ irirosũ marĩ Opũyare õārõ moāgũ, gajerārẽ ĩgũyare bueri waja ĩgũ mure sĩrĩrẽ opagũkoa. ⁷ Yũ wererire õārõ gũñaka! Mu irasirimakũ, marĩ Opũ i ãārĩpererire masĩmakũ irigũkumi.

⁸ Jesucristore gũñaka! ĩgũ, opũ David parãmi ãārĩturiagu ãārĩmi. ĩgũta boadigue masãdi ãārĩmĩ marĩrẽ peamegue waabonerārẽ taugũ. Iri marĩrẽ tauri kerereta yũ werea. ⁹ Iri kerere wereri waja ñerõ taria. Masaka yũre ñerõ irigu irirosũ kũme dari merã sia, peresugue biadoboma. ĩgũsã yũre peresu irikerepũ, Marĩpũya kerere ãārĩpererogue pėsũrokoa. ¹⁰ Irasirigu yũ ñerõ tarikeregu, gũñaturanĩkõãa, Marĩpũ beyenerã ĩgũ merã õārõ ãārĩburo, ãrĩgũ. ĩgũsãde marĩ irirosũta Jesucristoyarã ãārĩma. Irasirigu, ĩgũsãde peamegue waabirikõãburo, ãrĩgũ, irasũ yãa. ¹¹ I diayeta ãārã:

Marĩ Jesucristore bũremurĩ waja gajerã marĩrẽ wējẽmakũ, ũmugasigue ĩgũ merã ãārĩnĩkõãrãkoa.

¹² Marĩ ñerõ tarikererã gũñaturari merã marĩ ĩgũrẽ bũremurĩrẽ pirimerã, ĩgũyarārẽ dorerogue ĩgũ merã dorerã ãārĩrãkoa. Marĩ Jesũre masĩkererã gajerārẽ: “Ĩgũrẽ masĩbea”,

ãrĩmakũ, ãgũde marĩrẽ: “Musãrẽ masĩbea”,
ãrĩgũkumi.

- 13 Marĩ, ãgũ: “Ãsũ irigũra”, ãrĩdeare
buremubirikerepũ, ãgũ ãrĩdeare diayeta
irigũkumi. Ããrĩpereri ãgũ ãrĩrĩ, diayeta ããrã.
Neõ ãrĩgatomasĩbirikumi.

Pablo Timoteore keoro buerimarẽ gojadea

14 I yũ were gojarire mũ buerãrẽ gũñanĩmakũ
irika! Marĩ Opũ iũrõrẽ ãgũsãrẽ turaro merã ãsũ ãrĩ
wereka! Masaka werenĩrĩrẽ mũsã gãme guaseorĩ
wajamãa. Irire pérãrẽ diaye gũñamerã dujamakũ
yãa. 15 Mũ gapũ Marĩpũ iũrõ ãgũya direta bũro
iridũagũ ããrĩka! ãgũya diayema kerere pẽmasĩrĩ
merã gajerãrẽ keoro bueka! ãgũ mũrẽ: “Õãrõ
yãmi”, ãrĩ ãbũro, ãrĩgũ, õãrõ moãgũ ãgũ moãdeare
gũyasĩrĩberosũ ããrĩbu, irasirika! 16 Masaka i
ũmũma ubu ããrĩrĩ werenĩrĩrẽ pẽbirikõãka! Irire
irasũ werenĩrã nemorõ ñerĩrẽ irĩwãgãnemorãkuma.
17 ãgũsã bueri, dupũre kãmĩrõ boawãgãrõ irirosũ
gajerãrẽ poyanorẽa. ãgũsã watopere Himeneo,
Fileto ããrĩma. 18 ãgũsã Marĩpũya diayemarẽ
buebema. “Jesũre buremurã boanerã ãgũsã
dupũ merã masã, mũrĩasianerã ããrĩmã, irasirĩrã
i mũmũ peremakũ, ãgũsã dupaturi masãbirikuma”,
ãrĩ buema. Irasũ ãrĩrã, surãyeri Jesũre buremurãrẽ
ãgũya diayema buerire buremuduũmakũ yãma.
19 Marĩpũya werenĩrĩ, ãgũ marĩrẽ pĩdea neõ
gorawayubea. Wii neõ boabiriburi borari merã
õãrõ núdea wii irirosũ ããrã. Neõ perebirikoa.
Ãsũ ãrĩ gojasũdero ããrĩbũ: “Marĩ Opũ ãgũyarãrẽ

masĩmi. Āārĩpererā: ‘Īgũyarā āārā’, ārĩrā ñerĩ iririre pirikōāburo”.

²⁰ I keori merā āsũ ārĩ weregura. Sugu wári opaguya wiiguere wári soropari āārĩkoa. Bosenu āārĩmakũ oro merā irideapari, plata merā irideapari baarogue peokuma. Diiari merā irideaparire, o kooáre ubu āārĩrĩnũrĩrē peokuma.

²¹ Marĩ ōārĩ pari irirosũ āārĩduarā, āārĩpereri ñerĩrē opamerā āārĩníkōārō gāamea. Irasirirā, marĩ Opũyarā Īgũ irisũnerā āārĩsĩā, āārĩpereri Īgũ iridorerire ōārō irirā āārĩrākoa.

²² Irasirigu, maamarā ñerĩ Ɂaribejarire iribirikōāka! Diayemarē irinĩka! Jesúre bũremunĩka! Masakadere maĩka! Gajerā merā ōārō āārĩrikuka! Irasũta āārĩpererā ñerĩ opamerā marĩ Opũre sērēnĩrā merā āārĩka! ²³ Pémasĩmerā ubu āārĩrĩrē gāme guaseorire pėbirikōāka! Mũ masĩa. Īgũsā irasũ gāme guaseo, pũrũ gāme turirākuma. ²⁴ Mũ, marĩ Opũre moāboegu āārā. Irasirigu gajerā merā gāme turibirikōāka! Āsũ gapũ āārĩka! Āārĩpererā merā ōārō āārĩgũ, Īgũsārē ōārō buegu, bopoñarĩrē opagu āārĩka! ²⁵ Gajerā mũ buerire gāamebirimakũ, Īgũsārē bũremurĩ merā ōārō wereka! Marĩpũ Īgũsārē Īgũsā ñerĩ iririre bujawere, ōārĩ gapũre gorawayumakũ irigukumi, ārĩgũ, irasirika! Irasirirā diayema āārĩrĩrē masĩnũgārākuma. ²⁶ Irire masĩrā, pėmasĩrākuma. Wātĩ Īgũsārē Īgũ gāamerĩrē iridorerire pirirākuma.

3

Pablo Timoteore i Ɂmũ pereburi dupuyuro ñerō waaburire gojadea

¹ Ire masĩka! I ãmu pereburi dupuyuro wári ñerĩ aarirokoa. ² Masaka ãsũ ããrĩrākuma. Īgūsāya ããrĩburi direta gũñarā, niyerure ùaribejarā: “Gajerā nemorō ãārā”, ãrĩ werenĩrā, gajerārē ñerō turirā, Marĩpure ñerō ãrĩ werenĩrā, pagusāmarārē tarinũgārā, gajerā Īgūsārē sīkerepuru: “Īgūsā guare ōārō iriabũ”, neō ãrĩ, usuyari sīmerā, goepeyari merā Marĩpayare buremumerā ããrĩrākuma. ³ Gajerārē maĩrĩ merā iritamumerā, bopoñarĩ merā ĩāmerā, ñerĩ kere wererā, ñerĩ ùaribejarire pirimasīmerā, gajerārē ñerō tarimakũ irirā, ããrĩpereri ōārĩrē doorā ããrĩrākuma. ⁴ Īgūsā merāmarārē Īgūsārē ñerō iriduarāguere wiarā, pémasĩrĩ marĩrō Īgūsā noó gāāmerō irirā, “Masĩpeorā ãārā”, ãrĩ gũñarā ããrĩrākuma. Marĩpure gāāmerōnorē irirā, Īgūsā gāāmerō ùaribejarire iri, usuyarā ããrĩrākuma. ⁵ Masaka ĩūrō Marĩpure buremurā irirosũ irikererā: “Marĩpu gāāmerĩrē Īgũ turari merāta irimasĩa”, ãrĩ gũñamerā ããrĩrākuma. “Yũ basi irire irimasĩa”, ãrĩ gũñarākuma.

Īgūsānorē neō wapikubirikōāka! ⁶ Īgūsāno ãsũ yāma. Masakaya wiirigue ōārō werenĩgato, ñajāa, pémasīmerā nomerē Īgūsā ãrĩgatorire pé buremumakũ yāma. Īgūsā nome bũro ñerĩrē irirā nome ãārĩsĩā, ããrĩpereri ñerĩ ùaribejarire iriduarā ããrĩma. ⁷ Gajino buerire buenĩkererā, Marĩpuya diayema gapure neō pémasībema. ⁸ Iripoegue marā Janes, Jambres yéa ããrĩnerā Moisés weredeare péduabiriderosũ, Īgūsā ãrĩgatori merā buerā diayemarē neō péduabema. Ñerĩ direta gũñapausĩā, Jesúre buremumerā ããrĩma. ⁹ Irasũ ããrĩkererā, wārā masakare

ĭgŭsā āřĩgatori merā buerire pé bŭremumakŭ irimasĩbirikuma. Moisére péduabirinerā Janes, Jambriere waaderosŭ ĭgŭsādere waarokoa. Irasirirā, ĭgŭsārē āřĩgatorikurā, pémasĩmerā āārĩrĩrē āārĩpererā ĭāmasĩrākuma.

Pablo Timoteore doretũnudea

¹⁰ Mŭ gapŭ yŭ buedeare ōārō irinĩkōāa. Yŭ āārĩrikurire, yŭ: “Āsũ irigŭra”, ārĩ gũñarĩrē, Jesúre yŭ bŭremurĩrē, masakare bopoñarĩ merā yŭ iritamurĩrē, ĭgŭsārē yŭ maĩrĩrē, ñerō tarikeregŭ yŭ gũñaturarire mŭ masĩa. ¹¹ Jesucristoyare yŭ irideade waja masaka yŭre ñerō irima. Buro ñerō taribŭ. Yŭ Antioquíague, Iconiogue, Listrague āārĩmakŭ, āārĩpereri yŭre waadeare, iri makārĩ marā yŭre ñerō tarimakŭ irideare mŭ masĩa. Yŭ ñerō taririkŭ, marĩ Opŭ gapŭ yŭre iritamumi. ¹² I diayeta āārā. Āārĩpererā Jesucristoyarā Marĩpŭ gāāmerĩrē irinĩduarānorē gajerā ĭgŭsārē ñerō tarimakŭ irirākuma. ¹³ Ñerā, āřĩgatorikurā, ĭgŭsā ñerō iridero nemorō ñerō irinemonĩrākuma. Gajerārē ĭgŭsā āřĩgatorire pé bŭremumakŭ irirā, ĭgŭsāde gajerā āřĩgatorire pé bŭremurā āārĩma.

¹⁴ Mŭ gapŭ yŭ murē buedeare irinĩkōāka! Mŭ Marĩpŭyare: “Diayeta āārā”, ārĩ bŭremudeare piriro marĩrō bŭremunĩkōāka! Mŭ masĩa murē buenerārē. ¹⁵ Mŭ majĩgũgueta, Marĩpŭya werenĩrĩ gojadeare masĩnugāyuro. Irasirigŭ ĭgŭyare masĩgũ: “Marĩpŭ Jesucristore bŭremurārē taumi, perebiri peamegue waabirikōāburo, āřĩgũ”, ārĩ masĩa. ¹⁶ Āārĩpereri Marĩpŭya werenĩrĩ gojadea, ĭgũ masĩrĩ sĩrĩ merā gojadea āārā. Iri gojadeare buerā, diayemarē marĩ masĩa. Marĩ ñerō irideare:

“Ñegorabu”, ãrĩ, “Õãrĩ gapure iriro gããmea”, ãrĩ masĩa. Irasirirã iri pũgue gojadeare buerã, di-
ayemarẽ irimasĩa. ¹⁷ Marĩpũ ãgũyarãrẽ ãgũyare
õãrõ masĩdoregũ, ãgũya werenĩrĩ gojadeare marĩrẽ
pĩdi ããrĩmĩ, ããrĩpereri õãrĩrẽ irimasĩburo, ãrĩgũ.

4

¹ Jesucristo ããrĩpererã Opũ i ãmũguere dupaturi
aarigũkumi. Irasũ aarigũ, masaka okarãrẽ,
boanerãdere: “¿Nĩsã waja oparã, nĩsã gapũ waja
opamerã ããrĩrĩ?” ãrĩ beyegũkumi, waja oparãrẽ
wajamoãbu. Irasirigũ ãgũ iũrõ, Marĩpũ iũrõdere
turaro merã mure dorea. ² Marĩpũya kerere
masakare ãgũsã pẽduamakũ, pẽduabirimakũdere
wereka! ãgũsãrẽ ãgũsã ñerĩ irideare masĩ,
piridoregũ, iri kerere wereka, õãrĩ gapure iriburo,
ãrĩgũ! Buro bopoñarĩ merã pẽmasĩma õãrõ ãgũsãrẽ
irire bueka! ³ Pũrũguere masaka Marĩpũya õãrĩ
buerire pẽduabirikuma. Irasirirã ãgũsã gããmerĩrẽ
irirã, ãgũsã pẽduari direta buemurãrẽ wãrã
ãmarãkuma. ⁴ Marĩpũya diayema ããrĩrĩrẽ bẽo,
masaka ãgũsã basi ãgũsã gũñarĩ merã wererire
pẽtũyarãkuma. ⁵ Mũ gapũ pẽmasĩrĩ merã diayemarẽ
irinĩkõãka! Ñerõ tarikeregũ, gũnaturaka! Õãrõ
iridũari merã Jesús masakare tauri kerere bueka,
peamegue waabirikõãburo, ãrĩgũ! Marĩpũ mure
moãdoredeare õãrõ iri odonũkõãka!

⁶ Yũ Marĩpũyare iridea waja okanemosũbirikoa,
yũ boaburo mẽrõ dũyãa, ãrĩ pẽñãa. ⁷ Yũ Jesucristo
yũre buedoregũ pĩdeare õãrõ bueyuwarikũbu. ãgũ
yũre iridorerire õãrõ iri odonũbũ. Ñerõ tarikeregũ,

ĩgũrẽ bũremurĩrẽ neõ piribiribũ. ⁸ Irasirigũ da-
pora yũ diayema iridea waja marĩ Opũ yũre yũ
wajatadeare sĩburire ɯɯyari merã yúa. Ĩgũta di-
ayemarẽ irigũ masakare: “¿Niĩsã waja oparã, niĩsã
gapũ waja opamerã ããrĩrĩ?” ãrĩ beyerinũ ããrĩmakũ,
yũ wajatadeare sĩgũkumi*. Yũ direta sĩbirikumi.
Ããrĩpererã ĩgũ aariburire bũro ĩãɯari merã, ĩgũrẽ
maĩrĩ merã yúrãrẽ irire sĩgũkumi.

Pablo Timoteore iridorenemodea

⁹ Mũ aariró bokatĩũrõ yũre ĩãgũ aarika! ¹⁰ Demas
i ɯmũmarẽ gããmesĩã, yũre béo, Tesalónicague
waakõãmi. Crescente Galacia nikũgue, Titode
Dalmaciague marĩ Opũyare buerã waama.
¹¹ Lucas dita yũ merã ããrĩmi. Irasirigũ Marcore
ãma, ĩgũrẽ ãirika! Ĩgũ yũre iritamugũkumi, marĩ
Opũyare õãrõ moãburo, ãrĩgũ. ¹² Yũ Tíquicore
Efesogue iriubũ. ¹³ Mũ õõgue aarigú, yũ weka
sãñarĩ surĩrore, Troas wãikũri makã Carpoya
wiigũ yũ pídeañerẽ ãirika! Yaa papera tũrũrĩrẽ
ãirika! Waimũrãya gasiri merã iridea tũrũrĩdere
bũro gããmea. Irasirigũ iridere ãirika!

¹⁴ Alejandro kõme merã moãrĩmasũ yũre
ñetariro irimi. Ĩgũ yũre irasiridea waja marĩ Opũ
ĩgũrẽ wajamoãgũkumi. ¹⁵ Ĩgũ marĩ buerire neõ
gããmebirigorami. Irasirigũ ĩgũrẽ pémásĩka!

* **4:8** Sugũ ũma birarimasũ gajirã nemorõ õãrõ ũmagũ, olivo
wãikũdima pũrĩ merã iridea berore wajatakumi. Masaka iri berore
ĩgũya dipurugue peokuma, gajerãrẽ ĩgũ wajatadeare ĩmumurã. I
irirosũ, sugũ Jesúre bũremugũ ĩgũ diayema iridea waja ɯmũgasigue
perebiri okari wajatagũkumi. Iri ɯmũgasigue perebiri okari wa-
jatari, i berore wajatari irirosũ ããrã.

¹⁶ Oparã yure peresugue biadoborã yu irideare sêrêñap̃urorimakũ, neõ sugũ yure iritamubirimi. ããrĩpererã yure béowãgãperekõãma. Marĩpũ ãgũsã yure irasirideare kãtiburo. ¹⁷ ãgũsã yure béowãgãkerekerepũ, marĩ Opũ yure iritamumi. Yure turari sĩmi, ãgũ masakare tauri kerere õãrõ wereburo, ãrĩgũ. ããrĩpererã judío masaka ããrĩmerã iri kerere péburo, ãrĩgũ, irasirimi. Ëõkaye yure baabéobodire tariweremakũ irirosũ ñegũ yure wẽjẽbéobodire tariweremakũ irimi. ¹⁸ Irasũ ããrĩmakũ, ããrĩpereri ñerã yure ñerõ iriburire yure tariweremakũ irigũkumi. Ëmũgasigue ãgũyarãrẽ dorerogue waaburo, ãrĩgũ, yure õãrõ koregũkumi. Marĩ Opũre: “Õãtarigu, turatarigu ããrã”, ãrĩ, usũyari sĩnĩkõãrã! Irasũta irirã!

Pablo õãdoretũnudea

¹⁹ Priscila, igo marãpũ Aquila, Onesíforoya wii marãde õãburo. ²⁰ Erasto Corintogue dujami. Trófimo pũrĩrikũakõãmi. Irasirigu Miletogue ãgũrẽ píbũ. ²¹ Mũ puibũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã murẽ õãdorema.

²² Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsarẽ õãrõ iritamuburo. Irasũta irinĩkõãburo.

Iropãta ããrã.

Pablo

Marĩpaya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
1a0774e8-d152-5929-891b-95e0d2238786